

Ti Ne Sì Andatu

Ti ne sì andatu
Per issu locu stranu
È ci ai lasciatu.

Pare chì da culandi
S'hè piantatu u tempu
Sò firmati l'anni.

Pare chì u sole
Mai n'ùn si vede
Nè mancu la luna.

Pare ch'ùn si sente
Nè fretu nè callu
Ùn ci hè mancu ventu.

Pare chì un cantu
Di voce stinzata
Si sente luntanu.

Pare ch'in'ssu locu
Chì nega l'umanu
Ùn ci hè veritai.

È purtantu o babbu
Quantu l'omu noi
L'avemu circatu.

Ma perchè
Per issu locu stranu
Ti ne sì andatu
È mi ai lasciatu.